

推事例奈何行之年久及因地方艱難暫且停止以致如是及照各處司府州縣清軍官員中間亦有此弊合無准其所奏再行申明推選本部欽行都察院轉行各處清軍御史知會如無清軍御史去處就行巡按御史照例推選廉能官員以清軍政布按二司各委官一員府州縣仍委同知知州知縣專一清軍仍將推選過各官職名開報以憑查照其逃定清軍官員除遇緊急軍情暫委催辦糧草調督軍馬不拘外其餘常事不許干預過有事故就便令行推選代替各將清過已未完勘合文卷軍數兩相交豁明白若是似前故違擅自改委及各官畏懼清軍煩難營求別差不行用心清理有妨軍政者聽巡按并清軍御史徑自奏

聞慶治其兩廣四川清軍官員合候賊情寧息人民安業之後亦照此例推選如此庶使委任專一無推調之失軍伍日清無脫漏之弊緣係申明推選清軍官員及奉

欽依該部知道事理未敢擅便具題奉聖旨是欽此

清勾逃故軍士俱要查對軍冊姓名鄉貫造冊轉發有司官軍戶內餘丁俱要盡數造冊相兼操守屯種存恤新到軍士不許剝削盤纏既盡支令在逃冒支月糧例

成化元年十月初四日兵部左侍郎王等題為陳言缺軍等事該巡按直隸監察御史洪奏臣節該欽奉

勅諭國家重務莫先於兵政令邊務方殷足兵是實不可
緩特簡命爾任直隸鳳陽府州專一提督各該委官
清理務在謹勤欽此除欽遵外續奉都察院劄付為
陳言等事准兵部咨該本部奏奉

欽依事理今後遇有京操官軍事故名缺務要備行清軍
監察御史公同各該衛所軍政并管操官員選撥精
壯官軍補操欽此欽遵移咨到院備劄到職臣欽遵
前去直隸淮安等衛公同各衛軍政指揮等官照依
京操事故官軍名缺已將見在官軍選發補操外節
擬直隸安慶等衛經歷司呈各稱本衛官軍數少見
今差撥征進兩廣及裏河運糧其兩京操備缺少軍
士又將屯種局匠數內撥補尚且不敷即今子粒缺
人種辦軍器缺人造作本衛邊江城池空虛等因具

呈到取臣親臨各衛看得委係缺軍已行嚴督各該
衛所將一應軍旗舍餘人等盡數差操固守城池外
及看得

中都留守司所屬鳳陽長淮等八衛除京操等項公差
外其操守城池軍士每衛有千名者有七八名者甚
至全無一名只是老幼殘疾不堪餘丁者名則稱為
守城苟遇應用則刑勦尚不如人况敢望其禦侮乎
臣切照鳳陽乃

祖宗根本之地

宗廟宮室在焉

先帝陵寢在焉圓立房杜村焉其地不為不重可不嚴加
操守乎方今雖稱天下但勞者逸之太平北安者危
之基自古帝皇之治天下未敢一日忘兵備也今各

該衛所呈稱缺軍一節臣詳其所由蓋因各衛逐年造勾軍冊止憑該管官旗人等朦朧開報中間有等奸詐之徒欲要隱脫原籍軍伍乘機買求官旗人等將本身埋作老幼殘疾在逃等項名色又行更改本戶充軍緣由并原籍貫址及至該部發冊清勾原籍有司里老人等執稱鄉貫姓名不同回文揆無住址且如直隸鳳陽府原勾逃故等項軍士一萬八千二百七十名除有功陞官等項四千三百五十九名外今清出解過實有軍士只有二千三百二十一名揆無名籍者該一萬二千五百九十七名比之冊勾十無及一於令若不設法揆究誠恐流弊日添軍伍日耗為此今將各行事宜開款具

奏如蒙乞

勅兵部逐一計議通行

一該吏總小旗軍吏人等先行依律收問指揮等官住俸貴限查理務要明白如明此則人知畏懼而前弊可免矣

前件有得所言各處都司衛所造冊清勾逃故等項軍士官吏作弊差拘姓名以致有司無憑查考欲要其訪革弊一節合無准其所奏本部行移中軍等都督府轉行各都司衛所着落當該官吏今後造冊清勾逃故等項軍士務令該所官吏人等將該勾軍士姓名鄉貫先從本衛掌管軍政指揮及首領官處照依洪武等年間備照軍冊查對相同造成小冊連洪武等年軍冊

賞封送本衛地方清軍御史覈查對無異
方許邊冊繳部轉發有司清勾其在京錦
衣等衛五府所屬衛所本衛掌印指揮查
對在外若係停止清軍御史去覈聽送巡
按御史覈查對明白方許造繳若是衛所
造冊官吏人等仍前作弊該勾軍士姓名
鄉貫查對不同先將該衛首領官吏該管
總小旗及造冊軍吏就彼取問明白依律
照例發落指揮千百戶等官具住俸責限
查理重復清造其繳部文冊務要開稱何
年月日經由清軍御史或巡按御史及本
衛掌管軍政指揮某人查對相同緣由包
封用印差費的當人侵費送繳部以憑轉

發清勾如有違前例者本衛經該倉書
官吏在京衛分從本部叅送法司究問在
外衛分行移巡按及清軍御史照卷查提
問擬發落庶幾衛所造冊無弊而有司易
為清理 各衛所舍餘丁口例應該管官
吏認小旗從實造冊開報以憑驗丁差撥今
各衛所官員規為泛常徇私作弊或將自
已戶下舍人隱蔽不開報者有之或將殷
實餘丁隱占後使辦納月錢者有之又
有豪富軍旗倚恃交結衛所官吏情熟挾制
求託為隱者亦有之互相隱瞞多不實報
蓋因員恃軍賊又以上司無憑查考以致
衛所舍餘雖多差操缺少若不設法警懼

於則使遂其奸計如蒙乞

勅兵部計議行移

中 都留守司并各都司及南北直隸衛分着令軍旗人等將該管舍餘盡數從實開報造冊赴清軍御史處清審存留幫軍分撥差操如有仍前隱瞞不報者許人首告者免其一年差役其隱下之人就行撥補京操該管總小旗軍吏鄰佑人等依律問罪指揮千百戶無賊者量情發落如果接受財物及有包占私役辦納月錢者具奏擬問如此則獎悻華而舍餘清矣

前件查得先該巡按直隸監察御史章璠奏稱要將天下衛所官軍舍餘照依原奉

勅書內事理其原在營者盡留在營照舊差操如是原籍

丁盡粮差無人辦納明白移文軍衛於空閑丁內取發一丁回還承辦粮差不許影射等因已經議擬奏

准移行在京在外都司衛所將衛所官軍戶丁舍餘俱要盡數查出造冊備照令其常州在營相兼操守城池并下屯種田津貼軍裝等項不許躲避影射去後御史洪楨又奏前因合再通行在京在外都司衛所官旗人等將該管舍餘盡數從實開報造冊赴清軍御史處清審存留幫軍分撥差操若是仍前隱瞞不報者許人首告其該管官旗軍吏隣佑人等一体提問依律照例發落指揮

千百戶若有接受財物及有包占私役辦納月鈔者宜從巡按御史并清軍御史體察

參

奏拏問照依行事例發落

各處軍戶有係遠衛今無壯丁只有一丁又兼篤廢殘疾不堪起解及至本人續有所生兒男只得紀錄在官若無紀錄者扣年出幼就起解原衛本丁雖稱出幼終是乳推不服水土不諳人事萬一疎虞則不惟

朝廷不得其用抑且枉失一命矣如蒙乞

勅兵部計議行移各處清軍官遇有此等遠衛軍戶篤廢殘疾之人續生兒男并有軍丁親老者遇有

發冊來勾俱發附近衛所依親人伍造冊繳部乞行原衛開豁如此則嗣續有傳軍伍充

實矣

前件查得先該四川道監察御史趙啟奏稱在外各府州縣應解軍士中間多有孤獨軍丁貧難無倚者原衛路途力不能去若解發赴衛中途多有凍餓死亡徒使傷生終不得用其在逃軍丁挨拿不獲者亦多軍丁貧難之人累蒙

恩詔止許例前清出單丁親老無人養贍者解發附近衛分着役其無親單丁無例改解以此單丁貧民見在者無力赴衛逃移

回虛文發遣出海備倭守禦屯種等項及於此

種竿屢不見本軍到來着侵舉逃其衛所將甲
逃文書立案類係屯中逃走不干衛所之事其
月糧作見在閱支者有之積弊萬端如蒙乞

勅兵部計議行移

中都留守司并各都司及南北直隸衛分今後但有新
軍務要十日以裏將解到姓名并妻某氏某
官安插多則造冊少其手本送清軍御史并
布按清軍官處不時點視仍以見在支糧官
軍姓名按月開報以憑查考庶使新軍獲安
則衛所不得害軍矣

前件有得所言衛所官吏將有司解到新
軍盤纏剝削盡絕明白批廻及有告發
却乃指示逃回或虛文發遣出海備倭

守禦屯種等項仍將本軍月糧作見在
數目開之一節誠有此弊合無准其所
奏欵行中軍等都督府合行所屬司衛
所南北直隸及在京衛分今後但有所
解軍士到衛即將本軍并妻姓名照例
安插存恤滿日收發差操要見選某營
若干某監局若干守城若干屯種若干
并事故住支月糧日期按季五十名以
上者造冊五十名以下者開手本送部
在外送清軍御史如無清軍御史處送
巡按御史查考如是仍前不行撫恤剝
削賣放致被查出听本部并巡按及清
軍御史叅奏等因度幾前弊可革而軍

得實用

初軍不聽該管官員鈴束戒諭在逃其等
解問罪貸獨石馬營沿邊墩臺守哨滿日
回衛着後例

成化元年九月初八日兵部左侍郎王 等
題為軍務事賊方清吏司案呈該兵科給事
中梁璟題臣聞保邦在於軍政之備治軍在
於號令之嚴軍政不備則無以應不虞之用
號令不嚴則無以一軍士之心故兵法必誓
軍旅而嚴律者惟恐其知之不律詳犯紀律
以害大事也臣聞府軍前衛軍士數萬之衆
近者各軍不知

詔書內初軍今後如有事故不必僉捕之意妄以為逃回
者不亦清勾即目已逃者將及三年見在者